

Dukatenschieter

Zuschuss für Green Screen

VON KARL-HEINZ GROTH

Wokeen dat noch nich weten hett, weet dat nu. Swatt op witt. Green Screen kriggt opstunns vun dat schöne Glücksländ Schleswig-Holsteen 40 000 Euro. Johr för Johr. Is noch nich lang her, dor hett de Lannesregeren de Festivalsellschop in Eckernför künning maakt, dat dä ehr bannig leed, man de Huusholt weer so op „Kant neiht“, dat en finanzielle Sprütt nich möglich weer. En „Shitstorm“ is över de arme Regeren henwegbruust.

Un nu? Gottvader Albig hett de Himmelsslüüs opreten un Dukaten schieten laten, sünd jo Wahltieden. Aver, segg mi doch mol, wo hett he de denn versteken hatt, de Dukaten? Villicht in en barmhartige Schuuvlaad? Hett he dor möglicherwies mehr vun? Mi dücht, all de vellen Sport- un Kulturverene in't Land, de en kräftige Stütt jo so nödig hebbt as Green Screen, schullen sik dor nich to schaad för ween, na all disse Versteken to söken.

Dat Green Screen dat richtig maakt hett, heff ik nu eers begrepen. En Törfkopp as ik bruukt even en beten länger. Nix för ungoot.